



Møteinnkalling

Utval: **SOGN REGIONRÅD**

Møtestad: Aurland rådhus

Møtedato: 08.12.2017

Tid: 09:30 - 13:30

Eventuelt forfall skal meldast til telefon 57 62 96 14 - Varamedlemmar møter etter nærmere avtale.

Dagsorden

0930-0940 Ordførar Noralv Distad ønskjer velkommen til Aurland

0940-1130 Oppmøte
Godkjenning av innkalling og sakliste
Godkjenning av protokoll frå møtet 27.10.2017
Handsaming av saker i Sogn regionråd

1130-1200 Lunsj Marianne bakeri & kafe

1200-1240 Sognefjord Fjord Bike & Hike – sykkelprosjekt i Sogn
Masterplan for reiselivssatsinga – status i prosjektet
Ståle Brandshaug, reiselivsdirektør, Visit Sognefjord

1250-1330 Forstudierapport om utvikling av interkommunalt samarbeid om bu- og
omsorgstilbod i indre Sogn
Arne Johansen, kommunalsjef helse og omsorg og Alf Olsen jr, rådmann,
Lærdal kommune og Hilde Hordnes, PwC

1330 Vel heim!

Sakliste

Saksnr.	Arkivsaksnr.
	Tittel
21/17	17/3405-2 Framtidsfylket sine karrieremesser 2018 - søknad om økonomisk støtte
22/17	17/3870-1 Prosjekt Næringsvennleg region - deltaking i forstudie
23/17	17/3847-1 Handlingsplan for Sogn regionråd 2018
24/17	17/3845-1 Samarbeidsavtale om regionalt utviklingsprogram 2018-2019 mellom Sogn regionråd og Sogn og Fjordane fylkeskommune
25/17	16/480-9 Samferdsleplan for Sogn regionråd - handlingsplan 2018
26/17	17/3848-1 Handlingsplan 2018 System for styrka læring
27/17	17/3846-1 Programstyret System for styrka læring - val av leiar
28/17	17/2729-4 Budsjett 2018 Sogn regionråd
29/17	17/515-13 Orienteringssaker Sogn regionråd

Sogndal, 1.12.2017

Petter Sortland
leiar

Karina Nerland
dagleg leiar

Saksnr.: Utval
21/17 Sogn regionråd

Møtedato
08.12.2017

Sak **21/17**

Framtidsfylket sine karrieremesser 2018 - søknad om økonomisk støtte

Tilråding:

Sogn regionråd løyver kr 60 000 av regionale utviklingsmidlar til Framtidsfylket for gjennomføring av karrieremesser i Trondheim og Bergen i 2018.

Vedlegg:

Søknad og budsjett frå Framtidsfylket
Evalueringsrapport

Saksutgreiing:

Bakgrunn:

Sogn og Fjordane har sidan 2007 organisert eigne fylkesdekkjande karrieremesser i studiebyane Trondheim, Oslo og Bergen. Målsettinga er at å vise fram karrieremoglegheitene som finst i næringslivet i Sogn og Fjordane. Framtidsfylket viser til at responsen har vore bra, og evalueringane tyder på at messene er innarbeid som ein viktig møteplass for studentar, nyutdanna og næringslivet vårt.

Framtidsfylket søker om midlar til å gjennomføra neste års karrieremesser i Trondheim 25. januar og Bergen 13. februar 2018. Budsjettet er kr 1 810 750. Verksemndene dekker sjølve størstedelen av kostnadane (kr 1 320 750). Det er søkt om kr 250 000 frå fylkeskommunen og kvart regionråd med kr 60 000. Budsjettet ligg ved søknaden. Vi løyvde i fjor kr 60 000 til messene i Bergen, Oslo og Trondheim.

Vurdering:

Karrieremessene er ein del av den etablerte satsinga på rekruttering til Sogn og Fjordane, og gir oss høve til å profilera regionen og breidden i arbeidsmarknaden. Messene får fram dei spennande jobbane som mange ikkje er klar over finst i vår region. Dette er haldningsskapande arbeid som krev kontinuitet, profesjonalitet og tolmod. Framtidsfylket gjer ein god jobb med karrieremessene og utviklar og forbetrar messene på bakgrunn av evalueringar og tilbakemeldingar.

Rekruttering er eit av delmåla i regionalplanen for Sogn regionråd. Støtta frå regionråda utgjer liten del av den totale finansiering, men Framtidsfylket viser til at støtta likevel er viktig for at messene vert gjennomført på ein god måte. Administrasjonen tilrår at det vert løvd kr 60 000 av regionale utviklingsmidlar i 2018 til Framtidsfylket sine messer.

Regionrådet har stått for å koordinera deltakinga på messene og har finansiert standen som regionrådkommunane deltek på. Det er sett av midlar i budsjettet til standavgifta og materiell til regionstanden.

Saksh.: Karina Nerland
Arkivsak: 17/3870

Arkiv: U01

Saksnr.: Utval
22/17 Sogn regionråd

Møtedato
08.12.2017

Sak 22/17

Prosjekt Næringsvennleg region - deltaking i forstudie

Tilråding:

Sogn regionråd inviterer medlemskommunane til å delta i forstudien av prosjektet Næringsvennleg region. Kommunane vert bedne om å ta stilling til deltaking innan utgongen av året.

Med deltaking frå fleirtalet av kommunane løyver Sogn regionråd inntil kr 120 000 av regionale utviklingsmidlar for 2018 til forstudien.

Vedlegg:

Prosjektplan for Næringsvennleg region
Presentasjon frå Innovasjon Norge 27.10.2017
Innspel frå næringsnettverket

Saksutgreiing:

Bakgrunn:

Næringsutvikling er eitt av fire satsingar i regionalplanen for Sogn regionråd 2017-2020, og eitt av delmåla under denne satsinga er:

- Regionen skal ha eit samhandlande og koordinert næringsapparat.

Eitt av tiltaka i handlingsplan for 2017 er: Regionalt næringssamarbeid som eit fellesprosjekt som vurderer styrka samordning og organisering av næringsapparatet i Sogn.

Det har vore eit tydeleg ønske frå regionrådet om å få meir ut av næringsnettverket og få fram det unytta potensiale for auka regionalt næringssamarbeid. Gjennom arbeidet med regionalplanen og drøftingane i næringsnettverket ligg det ønske om auka fokus på satsingar der regionen har konkurransesfortrinn og eit meir samhandlande næringsapparat. Utfordringa i å få til auka regionalt samarbeid i næringssamfunnet ligg i at deltakarar i nettverket må prioritera arbeidet i eigen kommune.

Næringsnettverket har over tid drøfta ulike måtar å styrka det regionale næringssamarbeidet på. Prosjektet næringsvennlig region var tema i næringsnettverket i september. Regionrådet fekk i sist rådsmøte orientering om verktøyet og erfaringane frå Fosen regionråd som er pilot. I etterkant av møta har det vore jobba med å knytta seg til prosjektet og det har vore arbeidd med prosjektplanen. Innovasjon Norge ønskjer å køyre ein pilotregion til for å utvikla verktøyet. Prosjektverktøyet har tre faser; forstudie, forprosjekt og hovudprosjekt.

Om forstudien

Målet med prosjektet er å utvikla betre næringsutviklingstenester i regionen.

Verktøyet er utvikla for å styrka næringsarbeidet og næringsutviklarrolla. I forstudien blir nōsituasjonen kartlagt. Kva tenester fungerer godt i dag? Kva kan gjerast betre i framtida for å yte betre tenester? Kartlegginga inneheld mellom anna beskriving av behovet frå næringslivet, næringslivet sine konkurransefortrinn, strategiske satsingar og ambisjonar, korleis kan Fou- og utdanningsmiljø bidra i næringsutviklingsarbeidet, vurdering av styrker og svakheiter og beskriving av kapasitet og kompetanse på området næringsutvikling. Forstudien gir ein ansvarsmatrice som beskriver roller og ansvar. Det ligg ingen føresetnadurar om at dette skal munna ut eit regionalt næringsselskap.

Metodikken i forstudien er: spørjeundersøking av næringslivet, intervju av næringslivet, politisk og administrativ leiing og næringsutviklarar, workshop og politiske møteplassar.

Basert på desse aktivitetane i forstudien blir det laga ein analyse og samanfatning av forbetningspunkt, og utarbeidd ein rapport og prosjektplan for forprosjektet. Det blir gitt tilråding til korleis jobba vidare med å utvikla næringsutviklarrolla og korleis regionen kan samarbeida for å jobba vidare med å utvikla næringsutviklarrolla. Prosjektplanen følgjer vedlagt.

Dei som deltek vert regionrådet, politikarar, kommunal leiing, næringsutviklarar og næringslivet. Det er lagt opp til finansiering frå Innovasjon Norge, omstillingsprogrammet i Lærdal og regionrådet.

Fosen regionråd har gjennomført forstudien som pilot. Oppsummert viser forstudien at næringslivet i Fosen svarer at for dei er det viktig med ei dør inn, at næringsutviklar er tilstades lokalt og besøker bedriftene og det vert framheva kva som er viktig i høve næringsutviklartenestene. Forstudien munna ut i fire satsingar for samarbeidet. Dei er no i forprosjektfasen. Fosen drøftar samarbeidsform og om dei skal profesjonalisera næringsalliansen og gje samarbeidet eit tydlegare mandat.

Vurdering:

Verktøyet næringsvennleg region vil gje eit bilete av kva som fungerer godt i dag og kva som er forbetningsområda, og vil gje kunnskap som vil vera eit godt grunnlag for å styrke næringssamarbeidet. Slik kunnskap vil gje eit godt fundament for vidare diskusjonar og beslutningar.

Verktøyet har vore drøfta i næringsnettverket og det er kome innspel til og vurderingar av prosjektet. Det er mange sider ved eit utvida regionalt næringssamarbeid ein må avklara. Ein forstudie vil gje svar på mykje av det som er kome fram av innspel og i diskusjonane. Den vil gje meir kunnskap om kva bistand næringslivet etterspør og auka forståing av dei ulike aktørane sine roller i næringsutviklingsarbeidet. Om kommunane vel å gå vidare til forprosjektet vil mellom anna innhaldet i næringsutviklarrolla bli konkretisert og det blir utarbeidd kompetanseplan. Forankring av arbeidet blir viktig.

Verktøyet har ein god metodikk (intervju, spørjeundersøking, gjennomgang plandokument) og prosessen er grundig. Forstudien er uforpliktande og det er mogleg å avslutta etter forstudien. Om det er kommunar som etter forstudien vel å ikkje vera med i forprosjektet vil dei ha fått auka kunnskap om kva som er vurdert å fungera godt og kva som er forbetningsområde.

Prosjektet gir høve til å avklara potensialet i auka samhandling. Kva som vert tilrådingane etter kvar av fasane er ikkje gitt på førehand. Forstudien blir gjennomført utan at den enkelte

kommune forpliktar seg til vidare deltaking i prosjektet. Arbeidet etter forstudien byggjer på det faktiske innhaldet i forstudien.

Kommunar som kjenner verktøyet som deltakar til næringsvennleg kommune viser til at metodikken er god og gir ein reell prosess. Lærdal kommune er blant kommunane i vår region som har køyrt dette prosjektet på kommunenivå.

Vi har gode erfaringar og god effekt med regionalt samarbeid. På fleire område har vi lukkast gjennom samarbeid, jf barnehage- og skuleutvikling og samferdsle. Det vil vera ein styrke for prosjektet om alle kommunane er med i forstudien, men det er også mogleg å køre prosjektet om ikkje alle kommunane er med.

Å gjennomføra forstudie og eventuelt påfølgjande fasar vil vera så krevjande at ein treng eksterne ressursar. Næringsvennlig region-prosjektet kjem med slike ressursar.

Administrasjon tilrår å invitera kommunane til å delta i forstudien Næringsvennleg region og at det vert sett av inntil kr 120 000 av regionale utviklingsmidlar til forstudien.

Saksh.: Karina Nerland
Arkivsak: 17/3847

Arkiv: 130

Saksnr.: Utval
23/17 Sogn regionråd

Møtedato
08.12.2017

Sak **23/17**

Handlingsplan for Sogn regionråd 2018

Tilråding:

Sogn regionråd vedtek handlingsplanen for 2018 slik han ligg føre.

Vedlegg:

Handlingsplan for 2018 - framlegg

Saksutgreiing:

Satsingsområda i regionalplanen er næringsutvikling, attraktiv buregion, kompetanse og samferdsle. Regionalplanen innehold delmål og strategiar. Dei er tekne med i handlingsplanen for at dei kan sjåast i samanheng med framlegg til prosjekt/tiltak.

Regionalplanen blir rullert kvart fjerde år og handlingsplanen vert rullert årleg. Fleire av tiltaka er vidareføring av eksisterande tiltak og nokre prosjekt/tiltak er nye. Fleste tiltaka går over meir enn eitt år og er langsiktige. Det er prøvd å få ei meir spissing i prosjekta i høve til tidlegare plan.

Blant dei tiltaka som blir vidareført frå årets handlingsplan er:

- Delta i nettverk på tvers av sektorar som samlar bedrifter og organisasjonar i Sogn for å dela kunnskap, utvikla nye prosjekt og for kommuneoverskridande tiltak
- Støtte karrieremessene i regi av Framtidsfylket og medverka til felles informasjon om bustad, arbeid og service i Sogn
- Halda fram med prosjektet for bustadutvikling i Sogn
- Delta i samarbeid for å styrka sysselsetjinga blant innvandrarar og flyktningar og for betre inkludering i lokalsamfunnet
- Gjennomføra tiltak og prosjekt i programmet System for styrka læring (eigen handlingsplan)
- Gjennomføra tiltaka i partnarskapsavtalen for fleire læreplassar i Sogn

Dei nye prosjekta/tiltaka er:

- Støtte arbeidet med utvikling av Sogn som berekraftig reisemål
- Støtte Visit Sognefjord si satsing på fjordsykling i regionen
- Invitera kommunar til forstudie i verktøyet Næringsvennleg region

Vedlagt følgjer framlegg til handlingsplan for 2018.

Saksh.: Karina Nerland
Arkivsak: 17/3845

Arkiv: 026 &01

Saksnr.: Utval
24/17 Sogn regionråd

Møtedato
08.12.2017

Sak 24/17

Samarbeidsavtale om regionalt utviklingsprogram 2018-2019 mellom Sogn regionråd og Sogn og Fjordane fylkeskommune

Tilråding:

Sogn regionråd vedtek samarbeidsavtalen med Sogn og Fjordane fylkeskommune for 2018-2019 slik han ligg føre.

Vedlegg:

Samarbeidsavtale mellom Sogn og Fjordane fylkeskommune og Sogn regionråd - framlegg

Saksutgreiing:

Bakgrunn:

Sogn regionråd har dei siste åra inngått samarbeidsavtale med Sogn og Fjordane fylkeskommune om gjennomføring og finansiering av regionale utviklingsprosjekt.

Fylkeskommunen løyver årleg midlar til regionråda. Løyvinga er på kr 500 000 til kvart regionråd.

Fylkeskommunen ønsker at avtalane skal vera eit verktøy for å styra dei regionale utviklingsmidlane inn mot å nå prioriterte mål for fylket. Samstundes ønsker dei at kommunane får større styring med regionale utviklingsmidlar.

Vurdering:

Våre fire satsingsområde i regionalplanen er næringsutvikling, attraktiv buregion, kompetanse og samferdsle. Etter administrasjonen si vurdering er det på fleire område samanfall mellom partane sine satsinger og prioriteringar for regional utvikling. Samarbeidsavtale peikar ut satsingsområde og tiltak som partane forpliktar seg til å gjennomføra og finansiera i løpet av 2018-2019.

Framlegget til avtale er sendt til fylkeskommunen for innspel.

Vedlegg

Framlegg til samarbeidsavtale mellom Sogn og Fjordane fylkeskommune og Sogn regionråd Gjennomføring av regionalt utviklingsprogram for 2018-2019

1. Mål

Denne avtalen regulerer samarbeidet mellom Sogn og Fjordane fylkeskommune og Sogn regionråd på vegne av kommunane Aurland, Balestrand, Høyanger, Leikanger, Luster, Lærdal, Sogndal, Vik og Årdal. Avtalen samordnar planlegging, strategiar, tiltak og gjennomføring av eit regionalt utviklingsprogram for perioden 2018-2019.

Innanfor ramma til Regional planstrategi for Sogn og Fjordane 2016-2020 og regionalplan for Sogn regionråd 2017-2020, skal samarbeidsavtalen peike ut satsingsområde og tiltak i regionen. Sogn regionråd skal bidra til å nå felles mål i gjeldande regionale planar. Dei mest aktuelle regionale planane er verdiskapingsplanen, regional transportplan og regional plan for folkehelse.

Kommunane har gjennom regionalplanen for Sogn regionråd definert satsingsområde, mål og strategiar som skal vere grunnlaget for samarbeid i regionen.

Sogn og Fjordane fylkeskommune og Sogn regionråd forpliktar seg til å samarbeide om gjennomføring og finansiering av konkrete program og tiltak slik det går fram av denne avtalen.

2. Proses

Sogn regionråd har vedteke regionalplan for perioden 2017 – 2020 (del 1) og handlingsplan for 2018 (del 2).

Kommunane i Sogn regionråd har felles mål og strategiar for det regionale utviklingsarbeidet. Sogn regionråd vil arbeida vidare med utvikling av partnarskap for regional utvikling i samsvar med dei fire satsingsområda i regionalplanen: 1) næringsutvikling, 2) attraktiv buregion, 3) kompetanse og 4) samferdsle.

Begge partar kan ta initiativ til å etablera nye prosjekt og definera nye felles satsingsområde.

3. Innhold i avtalen for 2018-2019

Føremålet med Sogn regionråd er å vera ein felles arena med fokus på å sikra og vidareutvikla rammevilkåra for busettad og næringsliv i regionen. Sogn regionråd skal òg fungere som base for definerte prosjekt og vidare ha som mål å samordne og forenkle oppgåver for eigarane.

Sogn regionråd sine felles mål, strategiar og tiltak skal vera grunnlaget for samarbeidet om ei god nærings- og samfunnsutvikling i regionen.

Strategiar og prioriterte tiltak vil bli gjennomført i samsvar med Sogn regionråd sin regionalplan og handlingsplan for 2018 og vert oppsummert slik:

- Utarbeida ein felles strategi for å behalda og etablera fleire fylkeskommunale og statlege arbeidsplassar
- Støtte internasjonal og nasjonal marknadsføring av Sognefjorden og reiselivsprodukta i Sogn I samarbeid med Visit Sognefjord vera aktiv pådrivar for å utvikla rutetilbodet for Sognebåten og ei heilårsroute med start /stopp Flåm frå 2018
- Delta i nettverk på tvers av sektorar som samlar bedrifter og organisasjonar i Sogn for kunnskapsdeling, utvikla nye prosjekt og kommuneoverskridande tiltak
- Regionalt næringssamarbeid som eit fellesprosjekt som vurderer styrka samordning og organisering av næringsapparatet i Sogn
- Støtte karrieremessene i regi av Framtidsfylket
- Gjennomføra prosjekt for bustadutvikling i Sogn med desse tiltaka:
 - Setja kommunane i stand til å avdekke sitt konkrete bustadbehov og etablera rutinar, organisering og planarbeid for å dekke behovet
 - Koordinera nettverk mellom kommunane for å løysa dei utfordringane som er felles
 - Leggja til rette for val av verkemiddel i offentleg-privat samarbeid og leggja til rette for avgjerd på kva som høver for sogneregionen og for den enkelte kommune
 - Etablira felles informasjon om bustad, arbeid og service i Sogn

- Delta i samarbeid for å styrke sysselsetjinga blant innvandrarar og flyktingar og for betre inkludering i lokalsamfunnet
- Gjennomføre handlingsplanane for System for styrke læring vedteken i Sogn regionråd mellom anna: Årlege ntrepreneuriskapsmesser for ungdomsskuleelevarane og prosjektet Entreprenøriell verktøykasse med Feios skule som pilot
- Gjennomføre tiltaka i partnarskapsavtale for fleire læreplassar i Sogn ilag med partnarane Sogn og Fjordane fylkeskommune, NHO Sogn og Fjordane og LO Sogn og Fjordane
- Gjennomføra regionrådet sin handlingsplanen innan samferdsle mellom anna Aust-vestsambandet rv 52, Vikafjellstunnel, ferjesambandet Hella-Vangsnes-Dragsvik, fylkesveg 55 og gang- og sykkelvegar.

Det vil elles vera rom for fleksibilitet og å gjera endringar i høve prosjekt og tiltak i avtaleperioden.

4. Budsjett

Sogn regionråd bidreg med kr 2,8 mill kvart år i eigne midlar som går til utviklingsretta arbeid og prosjektkoordinering/-leiing. I tillegg kjem eigeninnsats i prosjekt og utviklingstiltak. Løyvinga frå Sogn og Fjordane fylkeskommune er årleg kr 500 000. Sogn regionråd kan søkja fylkeskommunen om auka årleg tilskot for avtaleperioden.

Fylkeskommunen kan stilla med nøkkelpersonell etter nærmare avtale.

Sogn regionråd forpliktar seg til å planleggja, organisera og gjennomføra tiltaka slik det er nedfelt i avtalen.

5. Profilering

Partane skal synleggjere at aktiviteten som er omfatta av denne avtalen er ei felles satsing frå Sogn og Fjordane fylkeskommune og Sogn regionråd.

6. Deltaking

Sogn og Fjordane fylkeskommune deltek som observatør i møta i Sogn regionråd med fast representant frå administrasjonen. Politisk og administrativ leiing deltek i aktuelle saker.

7. Rapportering og evaluering

Sogn regionråd sender årsrapport for 2018 til fylkeskommunen innan 15. mars 2019 og for 2019 innan 15. mars 2020. Alle tiltak som vert sett i verk i regi av utviklingsprogrammet skal sluttrapporterast /evaluerast. Sluttrapportar skal leggjast ved årsrapporten.

Sogn regionråd sender møteinkallingar og møteprotokollar til fylkeskommunen til orientering.

8. Utbetaling

Sogn og Fjordane fylkeskommune bidreg med kr 500 000 i 2018 og kr 500 000 for 2019 avhengig av at budsjettet vert godkjent. Utbetaling av tilskot kan skje med inntil 75% for 2018 når avtalen er underskriven. Årsrapport for dei respektive år skal vere framlagt innan 15. mars påfølgande år. Når årsrapport er godkjent kan restsum på 25 % utbetalast. Når årsrapport for 2018 er godkjent kan også 75% av løyving for 2019 betalast ut.

9. Tvistar

Usemjø som relaterer seg til administrasjon og koordinering vert å løyse på leiarnivå i samarbeidsorganisasjonane.

Leikanger

Sogn og Fjordane fylkeskommune

Sogn regionråd

Synnøve Stalheim
plansjef

Petter Sortland
leiari

Saksh.: Karina Nerland
Arkivsak: 16/480

Arkiv: 130 N00

Saksnr.: Utval
25/17 Sogn regionråd

Møtedato
08.12.2017

Sak **25/17**

Samferdsleplan for Sogn regionråd - handlingsplan 2018

Tilråding:

Sogn regionråd vedtek handlingsplanen for 2018 slik han ligg føre.

Vedlegg:

Framlegg til handlingsplan for 2018
Samferdsleplan for Sogn regionråd 2016-2018

Saksutgreiing:

Samferdsleplanen for 2016-2018 vart vedteke i 2016. Handlingsplanen blir rullert årleg.

Samferdslegruppa gjekk gjennom utkast til handlingsplan i møtet 17. november. Viktige tiltak for 2018 blir mellom anna flyrutene, aust-vestsambandet og Vikafjellstunnelen.

Framlegg til handlingsplan følgjer vedlagt.

Saksh.: Hanne Ørnehaug
Arkivsak: 17/3848

Arkiv: 130

Saksnr.: Utval
26/17 Sogn regionråd

Møtedato
08.12.2017

Sak 26/17

Handlingsplan 2018 System for styrka læring

Tilråding:

Sogn regionråd vedtek handlingsplan for System for styrka læring for 2018 slik han ligg føre.

Vedlegg:

Framlegg til handlingsplan System for styrka læring 2018

Saksutgreiing:

System for styrka læring er kommunane i Sogn regionråd sitt program for barnehage- og skuleutvikling. Det er utarbeidd eit overordna programplan for 2013-2021. Handlingsplanen vert rullert årleg. Programstyret handsama sak om handlingsplanen i møtet 14.11.2017. Programstyret rapporterer til Sogn regionråd.

Det overordna målet med programmet og sjølvé handlingsplanen er auka læringsutbytte for alle. Det skal vi mellom anna nå gjennom auka tilpassa opplæring og redusert bruk av spesialunderisning.

Vi har seks strategiområde:

1. Systemisk læring/ lærande organisasjon: Samhandling og samarbeid slik at barnehagane og skulane utviklar seg til lærande organisasjonar. Vi har fagnettverk for barnehage og skule.
2. Motivasjon og meistring: Målet er å skape meir variert og motiverande undervisning tilpassa eleven.
3. Psykisk helse: Styrke det psykososiale læringsmiljøet. Vi har partnarskapsavtale og regional plan for arbeidet for god psykisk helse hos barn og unge. Oppstart 1. januar i Læringsmiljøprosjekt om inkluderande barnehage- og skolemiljø.
4. Entreprenørskap: Styrke elevane sine personlege eigenskapar, kreative evner og trua på moglegheitene i Sogn. Neste entreprenørskapsmesse er 3. mai i Balestrand.
5. Vurdering for læring: Vidareutvikling av vurderingskultur og vurderingspraksis.
6. Tidleg innsats: Finne fram til å avdekke behov så tidleg som mogleg. Sjå samanheng mellom psykisk helse og tverrfaglege tiltak.

Handlingsplanen er hovudreiskapen i utviklingsarbeidet. Planen seier kva vi skal arbeide med, i kva omfang og til kva tid. Planen set opp mål og delmål for det regionale utviklingsarbeidet.

Handlingsplanen er ikkje «pålegg», der barnehagane og skulane må gjennomføre alt. Alle kan ikkje gjere alt. Barnehagar og skular må planleggje inn tiltak og aktivitetar i tråd med

analyse og behov i eigen organisasjon. Dette må også sjåast i samsvar med eigen utviklingsplan for barnehagane og skulane, og kommunane sine eigne planar og behov.

Etablering av «pedagogisk utviklingsteam» i kvar kommune vil vera eit viktig tiltak. Då får kvar kommune sitt eige «programstyre» for å diskutere og koordinere behov og tiltak i eigen kommune. I dei kommunane som har slike team har kommunalsjef/ eigar jamlege møte med styrarane, rektorane og tillitsvalde.

I samband med handsaminga av handlingsplanen for 2017 vart kommunane oppmoda om å sikra politisk og administrativ forankring av planen.

Saksh.: Karina Nerland
Arkivsak: 17/3846

Arkiv: 035

Saksnr.: Utval
27/17 Sogn regionråd

Møtedato
08.12.2017

Sak **27/17**

Programstyret System for styrka læring - val av leiar

Tilråding:

I programstyret for System for styrka læring for 2018-2019 vert

- --- vald som leiar
- --- vald som vara

Vedlegg:

Mandat for programstyret for System for styrka læring

Saksutgreiing:

«System for styrka læring» er kommunane i Sogn regionråd sitt program for barnehage- og skuleutvikling for 2013-2021. Sogn regionråd er programeigar. Programstyret koordinerer innsatsen knytt til utviklingsprogrammet og er styringsgruppe i det regionale utviklingsarbeidet. Programstyret rapporterer til Sogn regionråd.

Programstyret er samansett slik:

Ordførar

Rådmann

Skulefagleg ansvarleg

Rektor

Styrar

PPT

Representant frå Høgskulen på Vestlandet

Representant frå Ungt Entreprenørskap

Tillitsvald frå Utdanningsforbundet

Representant frå Statped Vest (Statleg spesialpedagogisk støttesystem)

Representant frå KS (Kommunesektorens organisasjon)

Dagleg leiar i Sogn regionråd deltek i møta. Programleiar er sekretær for programstyret.

Vi har hatt ein av ordførarane som leiar, både for programstyret i "Sats på skulen - snu Sogn", frå 2006 - 2012, og i "System for styrka læring". Politisk leiing og eigarskap til barnehage- og skuleutviklinga i Sogn har vore ein viktig føresetnad for gode resultat. Programstyret har inntil tre møte i året.

Representantane vert normalt valde for to år. Sogn regionråd skal velja ein av ordførarane til å leie programstyret og ein vararepresentant.

Vedlegg

Mandat for programstyret «System for styrka læring»

1. Programstyret skal vere samansett av representantar for aktørar som arbeider med barnehage- og skuleutvikling. Sogn regionråd set saman programstyret. Representantar vert normalt valt for to år.
2. Sogn regionråd vel ein av ordførarane til å leie programstyret. Programleiar er sekretær for programstyret. Programleiar har saman med dagleg leiari i Sogn regionråd ansvar for å drive fram og koordinere dei ulike tiltaka i programmet. Dagleg leiari deltek på styremøta.
3. Aktørar som blir invitert til å delta i programstyret peikar sjølv ut representantar til programstyret.
4. Programstyret rapporterer til Sogn regionråd som folkevald styringsorgan. Sogn regionråd godkjenner handlingsplan, årsmelding og budsjett.
5. Viktige oppgåver for programstyret er å:
 - a) ta initiativ til og byggje opp under faglege- og organisatoriske utviklingsprosessar.
 - b) sikre politisk og administrativ forankring i kommunane.
 - c) informere og forankre i eigen organisasjon.
 - d) bringe eigne relevante satsingar inn til drøfting i programstyret.
 - e) vere pådrivar for å nå dei overordna måla for utviklingsprogrammet.
 - f) bidra til å koordinere tiltak i programstyret og eigen organisasjon

Vedteken i Sogn regionråd 13.9.2013

Saksh.: Karina Nerland
Arkivsak: 17/2729

Arkiv: 150

Saksnr.: Utval
28/17 Sogn regionråd

Møtedato
08.12.2017

Sak 28/17

Budsjett 2018 Sogn regionråd

Tilråding:

Sogn regionråd vedtek budsjettet for 2018 slik det ligg føre.

Vedlegg:

Framlegg til budsjett for 2018

Saksutgreiing:

Totalt budsjett for Sogn regionråd er kr 6 615 000. Det er budsjettert med eksterne inntekter kr 2 567 000, kontingen kr 3 448 000 og fondsmidlar (hovudsakleg eksterne midlar) kr 600 000. Kontigenten dekker regionale utviklingstiltak med kr 150 000 og drift med kr 3 298 000 (sekretariatet, rådet, rådmannsgruppa, IKT, GIS-koordinator, programleiar for barnehage og skule, fagnettverka og regionleiarfunksjon for barnehage og skule).

Eksterne midlar er knytta til kompetanseutvikling i barnehagar, psykologisk folkehelse, fylkeskommunale utviklingsmidlar og læringsmiljøprosjektet.

I tillegg til kontigenten kjem kr 1 595 000 eksl mva til drift av kommunenett og GIS-løysing. Vedlegget viser oversikt over kostnadsfordeling for kommunenett og GIS-løysing. Av omsyn til budsjettprosessen i kommunane pleier regionrådet å handsama budsjetttramma i septembermøte.

Budsjetttramma for 2018 vart vedteken i regionrådet i møtet 15.9.2017. Dette av omsyn til budsjettprosessen i kommunane. Det er ikkje endringar i framlegg til budsjett til dette møtet.

Framlegg til budsjett for 2018 følgjer vedlagt.

Vedlegg**Budsjett 2018 Sogn regionråd**

		Budsjett 2017	Budsjett 2018
7501 Sekretariat			
10100	Løn faste stillinger inkl. sosiale utgifter	779 000	797 000
11002	Abonnement	2 000	2 000
11003	Faglitteratur og kartverk	2 000	2 000
11300	Telefonutgifter	5 000	3 000
11401	Andre annonser	4 000	4 000
11403	Representasjon (gåver og møteutgifter)	10 000	10 000
11500	Kurs og konferanser	10 000	10 000
11704	Reiseutgifter - tilsette (ikkje oppg.pl)	12 000	12 000
12002	Data- og kommunikasjonsutstyr	4 000	4 000
12701	Husleige, PC, arkiv (Kjøp av tenester frå Sogndal kommune)	259 000	265 000
17500	Refusjon frå andre kommunar	-1 087 000	-1 109 000
		0	0
7502 Drift råd		0	0
11151	Servering	50 000	50 000
11403	Representasjon (gåver og møteutgifter)	30 000	20 000
11704	Reiseutgifter - tilsette (ikkje oppg.pl)	20 000	20 000
17500	Refusjon frå andre kommunar	-90 000	-90 000
		0	0

7503 Rådmann		0	0
11151	Servering	10 000	10 000
17500	Refusjon frå andre kommunar	-10 000	-10 000
		0	0
7510 Kommunenett *		0	0
11301	Datakommunikasjon, linjeleige og drift	1 060 000	1 060 000
17500	Refusjon frå andre kommunar	-1 036 000	-1 036 000
17750	Refusjon frå IKS	-24 000	-24 000
		0	0
7511 IKT	0	0	0
11151	Servering		
11500	Kurs og konferanse	9 000	18 000
17500	Refusjon frå andre kommunar	-9 000	-18 000
		0	0

7512 GIS-koordinator		0	0
10100 Lønsutgifter		0	0
11300 Telefonutgifter		7 000	7 000
11301 Datakommunikasjon, linjeleige og drift		0	0
11151 Servering		5 000	5 000
11500 Kurs og konferanser		30 000	30 000
12900 Intern kjøp		5 000	5 000
14500 Overføring til Vik kommune		807 000	826 000
13500 Kjøp av tenester fra andre kommunar		0	0
17500 Refusjon frå andre kommunar		-781 000	-799 000
17750 Refusjon frå IKS		-73 000	-74 000
18500 Overføring frå andre kommunar		0	0
		0	0
7513 GIS-løysing *	0	0	0
11301 Datakommunikasjon, linjeleige og drift		690 000	700 000
17500 Refusjon frå andre kommunar		-552 000	-559 000
17750 Refusjon frå IKS		-138 000	-141 000
0		0	0
7520 Psykisk helse	0	0	0
14700 Overføring til andre		200 000	50 000
14900 Avsetjing til seinare fordeling - kun budsjett		0	0
18300 Overføring frå fylkeskommunen		0	0
19500 Bruk av bundne fond		-200 000	-50 000
		0	0
0		0	0
7521 Psykologar folkehelse	0	0	0
10300 Løn stillingar inkl sosiale utgifter			826 000
11704 Reiseutgifter - tilsette (ikkje oppg.pl)		40 000	50 000
14500 Overføring til Sogndal kommune		447 000	
18106 Statstilskot			-410 000
18900 Overføring frå andre			-431 000
19500 Bruk av bundne fond		-487 000	-35 000
		0	0

7550 RUP		0	0	0
10300	Løn stillingar inkl. sosiale utgifter			
12700	Konsulenthonorar, ikkje oppg. pliktig	140 000		140 000
11500	Kurs og konferanse	10 000		10 000
14700	Overføring til andre (private)	0		0
14900	Avsetjing til seinare fordeling - kun budsjett	280 000		280 000
15500	Avsetjing til bundne fond	0		0
17500	Refusjon frå andre kommunar	-125 000		-125 000
18300	Overføring frå fylkeskommunen	-195 000		-195 000
18300	Overføring frå fylkeskommunen	0		0
19500	Bruk av bundne fond	-110 000		-110 000
0		0		0
7551 Reiseliv		0		0
14700	Overføring til andre (private)	250 000		250 000
18300	Overføring frå fylkeskommunen	-150 000		-150 000
19500	Bruk av bundne fond	-100 000		-100 000
		0		0
7555 Rekruttering		0		0
14700	Overføring til andre (private)	150 000		150 000
17500	Refusjon frå andre kommunar	0		0
19500	Bruk av bundne fond	-70 000		-70 000
18300	Overføring frå fylkeskommunen	-80 000		-80 000
0		0		0
7557 Ungdom		0		0
11500	Kurs og konferansar	20 000		20 000
19500	Bruk av bundne fond	-20 000		-20 000
0		0		0
7558 Bhg-skulesamarbeid adm		0		0
10100	Løn faste stillingar inkl. sosiale utgifter	856 000		820 000
11003	Faglitteratur og kartverk	2 000		2 000
11209	Utgiftsdekning eksterne og eigne tilsette	0		0
11300	Telefonutgifter	3 000		3 000
11403	Representasjon (gåver og møteutgifter)	10 000		10 000
11500	Kurs og konferanser	15 000		15 000
11704	Reiseutgifter - tilsette (ikkje oppg.pl)	15 000		15 000
12002	Datautstyr /programvare	5 000		5 000
12701	Kontorleige og IKT (Kjøp av tenester frå Sogndal kommune)	100 000		102 000
17500	Refusjon frå andre kommunar	-1 006 000		-972 000
		0		0
7559 Bhg-skule kompetanse		0		0

14900	Avsetjing til seinare fordeling - kun budsjett	0	767 000
18106	Andre statstilskot	0	-767 000
		0	0
7560 Entreprenørskap		0	0
11500	Kurs og konferanser	120 000	140 000
11703	Anna persontransport	100 000	100 000
12700	Konsulenthonorar, ikkje oppg.pl.	50 000	
17500	Refusjon frå kommunar	-25 000	-25 000
18500	Overføring frå kommunar	-30 000	-25 000
18300	Overføring frå fylkeskommunen	-75 000	-75 000
18900	Overføring frå andre (private)	-40 000	-40 000
19500	Bruk av bundne fond	-100 000	-75 000
0		0	0
7561 Skule Fagnettverk		0	0
14500	Overføring til andre kommunar	182 000	380 000
17500	Refusjon frå kommunar	-95 000	-300 000
19500	Bruk av bundne fond	-87 000	-80 000
		0	0
		0	0
7563 Barnehage		0	0
11500	Kurs og konferansar	404 000	305 000
14700	Overføring til andre	15 000	15 000
18106	Statstilskot	-419 000	-320 000
		0	0
		0	0
7568 Utviklingsrettleiar		0	0
11003	Faglitteratur og kartverk	3 000	
11500	Kurs og konferanser	15 000	
11704	Reiseutgifter - tilsette (ikkje oppg.pl)	45 000	
14500	Overføring til andre kommunar	135 000	
17500	Refusjon frå kommunar	-198 000	
		0	0

7570 Entreprenøriell verktøykasse			
14500	Overføring til andre kommunar	60 000	60 000
14900	Avsetjing til seinare fordeling	10 000	
19500	Bruk av bundne driftsfond	-70 000	-60 000
		0	0

Kontingent for 2018

Kommune	Folketal 01.01.17	Fast del	Variabel del	Sum 2018	Sum 2017
Aurland	1 787	191 556	93 547	285 103	282 829
Balestrand	1 288	191 556	67 425	258 981	258 184
Høyanger	4 190	191 556	219 341	410 897	408 515
Leikanger	2 332	191 556	122 077	313 633	310 829
Luster	5 151	191 556	269 648	461 204	457 385
Lærdal	2 159	191 556	113 021	304 576	304 222
Vik	2 722	191 556	142 493	334 049	331 331
Sogndal	7 941	191 556	415 701	607 257	601 372
Årdal	5 363	191 556	280 746	472 302	471 333
Totalt	32 933	1 724 000	1 724 000	3 448 000	3 426 000

Drift av kommunenett 2018

Kommune	Folketal 01.01.17	Fast del	Variabel del	Sum 2018	Sum 2017
Aurland	1 787	64 750	32 205	96 955	96 802
Balestrand	1 288	64 750	23 212	87 962	88 262
Leikanger	2 332	64 750	42 027	106 777	106 505
Luster	5 151	64 750	92 830	157 580	157 292
Lærdal	2 159	64 750	38 909	103 659	104 216
Vik	2 722	64 750	49 055	113 805	113 610
Sogndal	7 941	64 750	143 111	207 861	207 187
Årdal	5 363	64 750	96 651	161 401	162 125
Totalt	28 743	518 000	518 000	1 036 000	1 036 000

Drift av GIS-løysing 2018

Kommune	Folketal 01.01.17	Fast del	Variabel del	Sum 2018	Sum 2017
Aurland	1 787	34 938	17 377	52 314	51 578
Balestrand	1 288	34 938	12 525	47 462	47 028
Leikanger	2 332	34 938	22 677	57 614	56 748
Luster	5 151	34 938	50 089	85 026	83 808
Lærdal	2 159	34 938	20 994	55 932	55 528
Vik	2 722	34 938	26 469	61 407	60 534
Sogndal	7 941	34 938	77 219	112 157	110 393
Årdal	5 363	34 938	52 150	87 088	86 383
Totalt	28 743	279 500	279 500	559 000	552 000

Saksh.: Karina Nerland
Arkivsak: 17/515

Arkiv: 062

Saksnr.: Utval
29/17 Sogn regionråd

Møtedato
08.12.2017

Sak **29/17**

Orienteringssaker Sogn regionråd

Orienteringar og drøftingar

1. Leiar
2. Innspel frå medlemane
3. Arbeidsgruppene
4. Rådmannsgruppa
5. Administrasjonen
6. Sognefjorden Fjord Bike & Hike – sykkelprosjekt i Sogn og Masterplan for reiselivssatsinga – status i prosjektet ved Ståle Brandshaug, reiselivsdirektør Visit Sognefjord.
7. Forstudierapport om utvikling av interkommunalt samarbeid om bu- og omsorgstilbod i indre Sogn ved Arne Johansen, kommunalsjef helse og omsorg og Alf Olsen, rådmann, Lærdal kommune og Hilde Hordnes, PwC.

Skriv og meldingar

1. Nei til endringar av kommunal skattlegging - fråsegn til finanskomiteen, 10.11.2017
2. Endra vilkår for bortebuarstipend slår hardt ut i Sogn - fråsegn til finanskomiteen 16.11.2017
3. MR ved Lærdal sjukehus – brev til Helse Førde 24.11.2017.



Stortinget v/ finanskomiteen

Nei til endringar av kommunal skattelegging

Sogn regionråd er samarbeidsorgan for kommunane Aurland, Balestrand, Høyanger, Leikanger, Luster, Lærdal, Sogndal, Vik og Årdal.

Sogn regionråd har fått orientering om verknaden av regjeringa sitt framlegg til statsbudsjett. Regjeringa gjer framlegg om endringar i verk- og brukskatten. Dette inneber skattebortfall på om lag 1,2 mrd kroner på landsbasis. Fleire kommunar har gjennom tilslutning til store industrianlegg og kraftlinjer føresett at slik verksemd vil legge att inntekter lokalt.

Sogn regionråd krev at den lokale retten til skattelegging ikkje vert innskrenka, eller at det i det minste vert sett ned eit lovutval med mandat til å utforme meir detaljerte verdisettingsreglar.

Sogn regionråd har merka seg at regjeringa utfordrar kommunen sin grunnleggande rett til skattelegging på fleire måtar:

- Framlegget om endring i eigedomsskatt på verk og bruk vil føre til at kommunane ikkje lenger får høve til å skrive ut eigedomsskatt på kraftlinjer eller andre nettanlegg. Dette vil gje reduserte inntekter. Konsekvensen det vil ha kjem heller ikkje fram i statsbudsjettet. Staten sin utgreiingsinstruks krev at denne type utslag er rekna på og gjort greie for.
- Framlegget inneber eit vesentleg skattebortfall frå tradisjonell industri og kraftlinjer mv. Produksjonsinstallasjonar og utstyr utgjer det alt vesentlege av skattegrunnlaget for mange verk og bruk. Kommunane skal heretter berre få skatteinntekter av tomt og bygningar. I mange av dei tradisjonelle industriverksemndene finst det nesten ikkje bygningar; anlegget er ein stor installasjon. Det er ingen logisk grunn til at slike anlegg skal fritakast for skatt. Produksjonsinstallasjon er like mykje fast eigedom som ein bygning.
- Skatteinntektene frå dei tradisjonelle industriverksemndene vil bli vesentleg reduserte dersom framlegget om at kommunen ikkje lenger kan skrive ut skatt på verk og bruk blir vedteke. For landet sine kommunar vil dette utgjere minst 1,2 milliardar kroner årleg, etter fullført omlegging. For dei ni kommunane i Sogn regionråd er endringa førebels kalkulert til å kunne medføre over 50 millionar kroner i reduserte årlege inntekter. For kommunane Årdal og Høyanger vil inntektsbortfallet utgjere 20-25 millionar og 11 millionar kroner. Dette vil gå direkte ut over det kommunale tenestetilbodet og kommunale arbeidsplassar i regionen. Sogn regionråd ser på dette som ein misforstått industripolitikk som vil gje uklar og utilsikta konsekvens. Dei økonomiske konsekvensane er ikkje utgreidde i samsvar med «utredningsinstruksen sine krav til statsforvaltninga ved lovforslag».
- Overgangsordningane det er gjort framlegg om, vil innebere at alle kommunar må gjennomføre ny taksering. Vi meiner at dette ikkje er praktisk mogleg, og registrerer at departementet reknar kostnadane til 85 mill. kroner.

- Eigedomsskatt på verk og bruk og næring er den einaste skatteordninga på næringsverksemde som går til kommunane. Denne skatteretten sikrar lokaldemokratiet og det lokale sjølvstyret. Inntektene er viktige for finansieringa av velferdssamfunnet. Eigedomsskatten er stadbunden, den går til kommunane der verksemdene ligg, ikkje der hovudkontoret er, eller til staten. Inntektene frå eigedomsskatt finansierer viktige kommunale velferdsordningar, som skular, helse, barnehagar og eldreomsorg.
- Dei store industriverksemdene i Norge som Hydro, Statoil, Statkraft og Statnett, er heilt eller delvis eigde av staten. Skattelette for desse verksemdene vil gje auka inntekter til staten i form av meir selskapsskatt (inntektsskatt). Dette fordi eigedomsskatten kjem til frådrag i alminneleg inntekt. Redusert eigedomsskatt vil også gje større høve til utbytte. Framlegget inneber difor ei omfordeling av inntekter frå kommunane til staten, verksemdene og eigarane.
- Kommunane sine eigedomsskatteinntekter frå verk og bruk har vore ein premiss for store deler av den næringsetableringa som har skjedd. Det som no skjer vil bli opplevd som eit løftebrot på ein uskriven samfunnskontrakt. Kva insitament vil kommunane ha i framtida for å seie ja til å stille naturressursane sine til disposisjon dersom dette blir gjennomført?
- Vi registrerer at det er framlegg om å skjerme kraftanlegga, men vil påpeike at 170 kommunar likevel får reduserte inntekter på sine kraftverk og bruk.
- Regjeringa sitt framlegg om å auke statleg grunnrenteskatt frå 34,5% til 35,7% sett opp mot redusert selskapsskatt frå 24% til 23%, er truleg rekna som utbytte frå eit statleg synspunkt, men gir ei uheldig skattevriding for dei kraftproduserande selskapa og det vil vere eit tiltak som ikkje stimulerer til auka kraftproduksjon. I tillegg vil auka grunnrenteskatt gi reduksjon i dei kommunale inntektene all den tid grunnrenteskatten til staten vert trekt frå i grunnlaget for den kommunale eigedomsskatten. Framlegget inneber difor auka statsskatt til fordel for kommunal eigedomsskatt.
- Sogn regionråd vil òg peike på at framlegget om endringar i reglane om produksjonsrelaterte nett vil slå negativt ut, sidan kraftselskapa får høve til å trekke frå utgiftene til linene i skattegrunnlaget for det einskilde kraftanlegget.
- Sogn regionråd meiner òg at regjeringa sitt framlegg om at kommunane ikkje bør ha innsyn og klagerett for eigedomsskatt og naturressursskatt, er udemokratisk og ei undergraving av den kommunale retten til skattelegging.

Sogn og Fjordane er eit kraftfylke og eit industrifylke. Rammeverkåra for vekst, for eit godt offentleg tenestetilbod og for gode arbeidsplassar, basert på våre naturressursar, blir vesentleg därlegare med regjeringa sitt framlegg. Sogn regionråd kan ikkje godta at vår lokale rett til skattelegging, som direkte speglar verdiskapinga som fylket sine naturressursar og næringsliv yter til storsamfunnet, blir redusert til fordel for auka statsskatt. Ei slik vriding av viktige inntekter i det norske samfunnet skjuler fordelinga av dei reelle bidraga til vårt brutto nasjonalprodukt.

Sogn regionråd krev at det vert sett ned eit lovutval med mandat til å utforme meir detaljerte verdisettingsreglar, slik industri- og kraftkommunar i landet lenge har etterlyst. Den lokale retten til skattelegging må ikkje verte innskrenka.

Med helsing

Petter Sortland
Leiar i Sogn regionråd



Stortinget v/ finanskomiteen

Dato
16.11.2017

Endra vilkår for bortebuarstipend slår hardt ut i Sogn

Sogn regionråd er samarbeidsorgan for kommunane Aurland, Balestrand, Høyanger, Leikanger, Luster, Lærdal, Sogndal, Vik og Årdal.

I framlegg til statsbudsjettet foreslår departementet å auke avstandsgrensa for å kunne få bortebuarstipend. Etter dagens regelverk kan elevar i vidaregåande opplæring få bortebuarstipend dersom avstanden mellom foreldreheimen og skulen er 40 km eller meir, eller om reisetida er tre timer eller meir samla kvar dag.

Forslaget om å auke avstandsgrensa frå 40 km til 60 km vil ráka mange av våre elevar kraftig.

43 prosent av dei som bur på hybel i vår region vil bli ramma av dei endra vilkåra.

I distriktet er reisetid og kommunikasjonstilbod avgjerande og betyr ofte meir enn tal kilometer dei bur frå skulen. Å pendle med buss tre timer pr. dag, på smale og svingete vegar, er ei stor belastning. Det er heller ikkje direkteruter og dette betyr mange stopp på rutene. Med den foreslalte endringa vil mange ungdommar i Sogn få lange skuledagar, noko som vil gå ut over både utdanninga og sosialt liv. Endringa vil gå mest utover dei ungdommene frå familiar med dårligast økonomi.

Endringa med å auke avstandsgrensa vil ramme mange ungdommar i vår region hardt. Sogn regionråd er sterkt imot desse endringane og ber om at gjeldande regelverk vert vidareført.

Med helsing

Petter Sortland
leiar i Sogn regionråd

Brevet er elektronisk godkjent og er utan underskrift



Helse Førde

Dato
24.11.2017

MR ved Lærdal sjukehus

Vi viser til møte med helsegruppa og i regionrådet med informasjon og drøftingar om MR ved Lærdal sjukehus.

Etter ei mobilisering i heile Sogn vart det samla inn meir enn kr 10 mill til MR ved Lærdal sjukehus. Responsen for innsamlinga var overveldande, og engasjementet frå kommunar, lokalt næringsliv og privatpersonar har vore imponerande. MR vil gje monaleg betre helsetenester og kortare reisetid for pasientane. Med betre kapasitet for MR-undersøkingar i Helse Førde, kan det gjere at pasientar i heile fylket får kortare ventetid. Beløpet vart samla inn sommaren 2016 og er vår del for å utløyse Helse Førde sin del som etter avtalen gjeld sjølvé bygningen.

Målet ved innsamlinga var å få på plass MR innan utgongen av 2017. Etter det vi har fått opplyst vil MR ved Lærdal sjukehus vera ferdigstilt september 2018 og finansieringa knytta til utbygginga for MR-maskina er med i Helse Førde sitt langtidsbudsjett. Sogn regionråd ønskjer ei tidlegare installering av MR-maskina og har drøfta løysingar med Helse Førde for å forsera framdrifta. Helse Førde har valt ei løysing med tilbygg til eksisterande bygningsmasse, som vert vurdert som den mest framtidsretta løysinga, men som tek nokre månader lengre tid.

Innsamla midlar for MR var på plass sommaren 2016. Sogn regionråd er oppteken av at utbygginga vert sett i gang utan ytterlegare forseinkingar. Sogn regionråd forventar at Helse Førde vedtek investeringa for MR ved Lærdal sjukehus i budsjettmøte i desember 2017.

Med helsing

Petter Sortland
leiar i Sogn regionråd

Brevet er elektronisk godkjent og er utan underskrift